

## Papia Jut da Mandagıt

*But pıso gen*

Gen on papiagwan toņ uņun 2 Pita kon gen toņ uņun yombem pali. Uņun Piņkop dakon miņat amıno Gen Bin Tagısi dakon uwalni da gen yoņ uņun do mirak dimasi yopni do yosok. Papia da yaņ yosok, “Piņkop da miņat amin kabini nin nandaņ gadat kalonı kongin atneņ do yosok. Ae amin kindı da nin da nandaņ gadat amaņ uņun kulabık arıpmi dima asak.” (Gagi 3 kon koki).

Jut da yoyıdet toptopmi do pındak kimotni do yosok. Uņun da yaņ yoņ, Piņkop dakon nandaņ yawotni uņun madepsi do yokwi morap galak tokjikon tagı ani yaņ yoņ. Uņun topsi yoņ do kaņ kimotni do yosok. (Gagi 4 kon do koki.)

*Ji nandaņ gadatji do kıla anek Gen Bin Tagısi dakon uwalni pabiņ yopni*

<sup>1</sup> Nak Jut, nak Yesu Kristo dakon oman monjini, ae Jems dakon padıge.

On papia uņun Piņkop da miņat amıno yaņ damgut ji do mandısat. Piņkop Dat da but dasi galak taņ damısak, anakwan Yesu Kristo da iyi kilasi tagısi asak.

<sup>2</sup> Piņkop da paņpulugarıban bupmi anpak gat, ae but yawot anpak gat, ae amin do but dasi galak taņ yomyom anpak da egıp egıpjikon madepsi tosak do bisit asat.

*Gen Bin Tagısi dakon uwal dakon gen*

<sup>3</sup> Notnonisi, mibiltok nak Piŋkop da nin morap yokwikon ban timit do anek pi madepsi agit unun do papia mandan dam do galagi madepsi nandat, mani abisok gen kinda mandaken yan nandisat unun yan: ji nandan gadatji kilani tebaisi anek uwalji dakon gen pabin yopni. Piŋkop da nandan gadat kaloni on minjat amini nin do nimgut, do amin kinda da yo nin da nandan gadaman unun kulabik aripmi dimasi asak.

<sup>4</sup> Nak gen unun dayisat, nido Piŋkop manji iman amin di panmuwukbigwan pasikon da kili abin pigen. Unun amin gen yokwisi yan yon, “Piŋkop dakon nandan yawotni madepsi, do yumabi anpak mibili mibili tagi anen.” Unun amin da Amin Tagi Yesu Kristo Kila Amin Madepnin kaloni manji iman, do kalipsigwan Piŋkop gen papia da yagit unun da aripmon unuden amin pasidan.

<sup>5</sup> Ji Amin Tagi da kalip yo agit unun kili nandawit, mani butji pabo pisanban unun do sigin nandani do dayisat. Amin Tagi da kalip Israel amin uwal da kisiron ban timikban Isip yipman kiwit. Anek don nandan gadat dima awit amin unun pantasik agit.

<sup>6</sup> Ae anelo do nandani. Diwaru unun Piŋkop da pi yomgut unun ak do dima galak tawit, anek kokupni yipman dekgwit. Yan awit do Amin Tagi da nap teban tebaisi unun ban panteban agit, ae dam teban pilin tuksigwan yopgut da ekwan. Unun Piŋkop da kobogi do yo yokwisi yomdisak dakon bisap madep do jomjom anek ekwan.

<sup>7</sup> Ae Sodom kokup amin gat ae Gomora kokup amin gat ae kokup unun da kapmatjok tawit unun

do nandani. Uņunyo kisi anpak yokwisi awit. Wili miņatyo kisi da yumabi anpak mibili mibili awit, do Piņkop da kindapmon soņban pasilgwit. Uņun da mama gen niyiņek yaņ nolisak, yokwi pakpak amin morap kindap kimot kimori mini uņungwan kobogi timitdaņ.

<sup>8</sup> Ji dakon nandak nandak paņupbal ak do pi aņ amin uņunyo kisi yaņ giņ anpak yokwi aņ. Diņmin mibili mibili piņdagek uņun da paņtagap aban yumabi anpak aņek giptim timni paņupbal aba iņanisi aņ, ae Piņkop kwen wigik aņ imiņek aņelo tapmimi toņ uņun do yaņba yokwi tok aņ.

<sup>9</sup> Maikel uņun aņelo morap dakon mibiltok amini, mani uņun yaņ dima agit. Maikel gat Sunduk gat namin da Moses dakon giptim abidosak yaņ do gen emat agimal bisapmon, Maikel Sunduk do yaņba yokwi tok aņ imiņek gen yaņ imdo si pasalgit. Yaņ giņ yagit, “Amin Tagi da iyi gen tebaisi gayisak dosi nandisat.”

<sup>10</sup> Mani uņun amin yo morap mibili dima nandaņ pišoņ uņun do yaņba yokwi tok aņ. Uņun bit kilapyo buri mini yombem da giptim dakon galaktok yolgaņ. Uņun anpakni da obisi paņupbal aņ.

<sup>11</sup> Awa, kaņ kimotni. Uņun Ken dakon anpak aņ. Uņun Balam da agit uņuderj monerj timit do tek kindap aņ. Uņun Kora da agit uņuderj Piņkop kwen wigik aņ imaņ, do wagil pasildaņ.

<sup>12</sup> Ji but kalon aņek jap noknok bisap madepmon yikgaņ bisapmon uņun amin ji da binap-

---

**1:9:** Dan 10.13,21; 12.1; Sek 3.2; 2Pi 2.11; PA 12.7      **1:10:** 2Pi 2.12

**1:11:** WW 4.7-8; IDT 16.1-35; 2Pi 2.15; 1Jn 3.12      **1:12:** 2Pi 2.13,17

mon yikgan unun imal kwakwagikon garak an unun yombem. Mani unun ji gat yigek jap nok do mayagi dima nandan. Unun amin iyi banjin panpulugok dogin nandan. Unun gikwem sikak dima yopba manakwa mirim da pisonba dukwan dukwan kwan unun yombem. Unun kindap bami toktok bisapmon bami dima pokgon, ae geli walimbil pilikbi, do kosit bamot kimakgit.

<sup>13</sup> Unun amin tap madepsi tamalikgan unun yombem. Yokwini dakon mayagi tarak ae sibat sibat da yan ilenikon noman ton. Unun kundukon gik kositni ban dima yolek akwan unun yombem. Do Pinokop da kokup pilin tuk dakon pilin tugisi kili an noman an yomgut, unudon kin toktok teban egi wigikdan.

<sup>14</sup> Enok unun Adam dakon babiknikon da al-tanban kosiri 7 agit. Unun da unun amin yokwi do kombi gen yanek yan yagit, “Koni, Amin Tagi telagi aneloni tausen morapmi gat apdisak.

<sup>15</sup> Abinek minjat amin morap gen pikon yopdisak. Anek anpak yokwi awit ae gen yokwisi yan imgwit dakon kobogi yomdisak.”

<sup>16</sup> Unun amin yo morap noman tan yoman unun do nandaba yokwi tok anek gen morapmi yon. Unun iyi dakon butni dakon galaktok yokwi unun yol do galak ton. Unun gen pap yanek giptim pawigik anek iyi dakon man pawikwan. Anek minjat aminyo unun panpulugoni do pangalak an.

*Nandan gadatji yipba unun da butji panjeban asak*

17 Mani notnonisi, yo don altokdan unun do aesi nandani, unun Amin Taginin Yesu Kristo dakon yabekbini da kili yan tenjenan damgwit.

18 Unun da yan dayiwit, “Mibi gildaron jigilak gen yogok amin noman tokdan. Anek Pin kop manji iminek iyi dakon galaktok yokwi yoldan.”

19 Unun amin da panmuwukbi panwasan. Unun miktin dakon galaktok bangin yolgan. Telagi Wup unun aminon dima egisak.

20 Mani notnonisi, ji bisapmi bisapmi nandan gadatji Pin kop da iyi ji do damgut unun yipba unun da butji pan teban asak. Ae Telagi Wup da tapmimon bisit ani.

21 Pin kop da ji do but dasi galak tan damisak, do unun da kapmatjok egek bisapmi bisapmi Amin Taginin Yesu Kristo do jomjom anakwa bupmini nomansi analon anakwan egip egip teban abidoni.

22 Nandan gadatni dima teban tanbi amin do bupmi nandan yomni.

23 Ae amin diwari kindapmon ekwan, do ji tepmisi yokwikon ban timitni. Ae diwari do bupmi anpak an yomni bisapmon, yokwikon gepni yan do kan kimagek pasol pasol gat kisi ani. Unun but kalip dakon anpak yolek garak gin awit. Ji yo morap Pin kop da dabilon garagi tagi unun da dubagikon egipni.

### *Nin Pin kop dakon man awiginer*

24 Kili nak Pin kop an kisisat. Tapmimni madepsi, do kilasi anakwan aripmi dima mokdan. Unun da timik pan ki depban iyi gat tilimnikon egek gulusunji mini ae kisik kisik madepsi tan damdisak.

<sup>25</sup> Uŋun kalonŋ daŋin Pinŋkop egisak. Aŋek Yesu Kristo Amin Taginin da pi agit uŋun do aŋek nin yokwikon banŋ timikgit. Do mani awiginenŋ. Uŋun Kila Amin Madep egisak, ae tapmim madepni tanŋ imisak, ae yo morap dakon busunŋi egisak. Wasok wasogikon yanŋ egipgut, ae abisok kisi yanŋ gin egisak, ae don bisap morap kisi yanŋ gin egipdisak teban. Uŋun asi.

**PIN<sup>K</sup>OP GEN**  
**The New Testament and Psalms in the Yopno Language**  
**of Papua New Guinea**  
**Nupela Testamen na Buk Song long tokples Yopno long**  
**Niugini**

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

---

PDF generated using Haiola and XeLaTeX on 1 Oct 2024 from source files dated 31 Aug 2023

b683ce50-d820-5bfc-8471-d8ee080be106